



Na osnovu člana 57. stav (6) Zakona o izvršavanju Budžeta Unsko-sanskog kantona za 2026. godinu („Službeni glasnik Unsko-sanskog kantona“, broj 1/26), tačke I alineja 3. Odluke o namjeni korištenja sredstava prikupljenih po osnovu dodjele koncesije („Službeni glasnik Unsko-sanskog kantona“, broj 18/19) i Odluke o kriterijima i postupku dodjele sredstava iz Budžeta Unsko-sanskog kantona za 2026. godinu utvrđenih u razdjelu Ministarstva privrede sa pozicije „Kapitalni grantovi drugim nivoima vlasti - namjenska sredstva koncesije“, broj: 03-02-44-1297/2026 od 22.9.2026. godine, Ministarstvo privrede objavljuje:

JAVNI POZIV

„Podrška jedinicama lokalne samouprave Unsko-sanskog kantona za finansiranje/sufinansiranje projekata iz Budžeta Ministarstva privrede-Kapitalni grantovi drugim nivoima vlasti-namjenska sredstva koncesije za 2026. godinu“

I. PREDMET JAVNOG POZIVA

Predmet Javnog poziva je prikupljanje prijava za odabir korisnika sredstava iz Budžeta Unsko-sanskog kantona za 2026. godinu u razdjelu Ministarstva privrede sa pozicije „Kapitalni grantovi drugim nivoima vlasti - namjenska sredstva koncesije“.

II. PRAVO UČEŠĆA

Pravo učešća imaju jedinice lokalne samouprave Unsko-sanskog kantona za finansiranje/sufinansiranje projekata od značaja za jedinice lokalne samouprave, s namjenom definisanom u tački IV Javnog poziva.

III. SREDSTAVA ZA IMPLEMENTACIJU

Sredstva za implementaciju utvrđena su u Budžetu Unsko-sanskog kantona za 2026. godinu, budžetski korisnik Ministarstvo privrede u ukupnom iznosu od 800.000,00 KM na ekonomskom kodu 615100, subanalitika FAS002 na poziciji „Kapitalni grantovi drugim nivoima vlasti – namjenska sredstva koncesije“

IV. NAMJENA UTROŠKA SREDSTAVA I ROK ZA IMPLEMENTACIJU

Sredstva iz tačke III Javnog poziva namjenjena su za finansiranje/sufinansiranje projekata:

- izrada projektne dokumentacije za izgradnju infrastrukture (građevinski projekti, geološka i geomehnička ispitivanja...),
- izgradnja infrastrukture (putevi, mostovi, zaštitini i potporni zidovi, sanacija klizišta na putnim pravcima i putnom pojasu istih...),
- izrada projektne dokumentacije za sanaciju devastiranih prostora i klizišta usljed vremenskih nepogoda,
- saniranje posljedica vremenskih nepogoda po izrađenoj projektnoj dokumentaciji,
- izrada projektne dokumentacije tehničke i biološke rekultivacije devastiranih područja jedinica lokalne samouprave i
- otklanjanje štetnih posljedica eksploatacije prirodnih resursa, prirodnih nepogoda i katastrofa.

Rok za okončanje implementacije projekata po zaključenom Ugovoru je **najduže 12 mjeseci od dana zaključenja Ugovora.**

Sredstva se ne mogu dodjeljivati za završene projekte.

Svako korištenje odobrenih sredstava suprotno namjenama utvrđenim ovom tačkom smatrat će se nenamjenskim utroškom.

V. KRITERIJ RASPODJELE SREDSTAVA

Dodjela sredstava na osnovu dostavljenih projektnih prijedloga jedinica lokalne samouprave za koje se utvrdi da ispunjavaju formalno-pravne uslove, da su blagovremeni, potpuni i osnovani, a za koje se ocijeni da će isti imati značajniji doprinos razvoju lokalne zajednice, izvršit će se na način da će prednost imati:

- a) projektni prijedlozi jedinica lokalne samouprave koji imaju veći procentualni udio u ukupno ostvarenim prihodima uplaćenim na račun Budžeta Kantona u periodu od jula 2025. godine do jula 2026. godine, po osnovu zaključenih ugovora o koncesiji i
- b) projektni prijedlozi jedinica lokalne samouprave koji u skladu s Uredbom o izradi indeksa razvijenosti u Federaciji Bosne i Hercegovine („Službene novine Federacije BiH“, broj: 17/19) spadaju u V grupu (izrazito nerazvijene), a u cilju osiguranja ravnomjernog razvoja Unsko-sanskog kantona.

VI. PRIJAVA PO JAVNOM POZIVU

Podnosilac prilikom prijave na Javni poziv obavezno dostavlja sljedeću dokumentaciju:

- a) Prijavni obrazac (Aneks I), koji je sastavni dio Odluke, propisan i dostupan na web stranici Vlade Kantona www.vladausk.ba, (popunjen, potpisan i ovjeren od strane podnosioca prijave);
- b) Izjava o realizaciji projekta (Aneks II), koja je sastavni dio Odluke, propisana i dostupna na web stranici Vlade Kantona www.vladausk.ba, (popunjena, potpisana i ovjerena od strane podnosioca prijave);
- c) Ugovor sklopljen sa izvođačem radova za one projekte kojima se aplicira na Javni poziv, a kod kojih je okončan postupak javnih nabavki (dostavljaju samo jedinice lokalne samouprave kod koji je implementacija predloženog projekta došla do faze zaključenja predmetnog ugovora nakon provedenog postupka javne nabavke);
- d) Ako postoji partner na projektu dostaviti dokaz o visini sredstava sa kojima će isti sufinancirati projekat (sporazum o saradnji ili ugovor ili izjavu). Izjava se dostavlja u originalu (potpisana i ovjerena od strane podnosioca prijave) i datum izjave ne smije biti stariji od tri mjeseca od dana objave Javnog poziva. Sporazum ili Ugovor se dostavlja u originalu ili ovjerenoj kopiji i datum ovjere ugovora ili sporazuma ne smije biti stariji od tri mjeseca od dana objave Javnog poziva;
- e) Kopija dokumenta iz kojeg je vidljiv broj transakcijskog računa na koji će se sredstva doznačiti (ugovor ili karton deponovanih potpisa ili potvrda banke).

VII. OBRADA PRIJAVA I IZBOR KORISNIKA

Dostavljene prijave po Javnom pozivu razmatra Komisija koju rješenjem imenuje ministrica Ministarstva (u daljem tekstu: Ministrica) i koju čine tri člana.

Komisija ima zadatak da:

- a) izvrši analizu ispunjenosti formalno-pravnih uslova pristiglih prijava u skladu s Odlukom o kriterijima i postupku dodjele sredstava iz Budžeta Unsko-sanskog kantona za 2026. godinu utvrđenih u razdjelu Ministarstva privrede sa pozicije „Kapitalni grantovi drugim nivoima vlasti - namjenska sredstva koncesije“ i ovim Javnim pozivom,
- b) sačini listu podnosioca prijava koji ispunjavaju formalno-pravne uslove sa iznosom sredstava po svakom projektu i
- c) sačini listu podnosioca prijava čije su prijave neblagovremene, nepotpune i neosnovane.

Komisija uz Izvještaj o provedenom postupku po Javnom pozivu dostavlja liste Ministrici. Po odobrenju Ministrice, liste se objavljuju na web stranici Vlade Kantona: www.vladausk.ba.

Na objavljene liste podnosioci prijava imaju pravo prigovora koji se podnosi Ministarstvu u pisanoj formi, u roku od tri dana od dana objavljivanja listi na web stranici Vlade Kantona. O prigovoru odlučuje Ministrica. Odluka o prigovoru je konačna.

Po okončanju prigovora, Ministrica utvrđuje rang listu korisnika sredstava sa nazivom projekta i iznosom sredstava Ministarstva odobrenih za realizaciju projekta. Po donošenju rang liste, Ministarstvo dostavlja Vladi Kantona prijedlog Odluke o usvajanju Programa utroška sredstava

Budžeta Unsko-sanskog kantona za 2026 godinu, budžetski korisnik Ministarstvo privrede sa pozicije „Kapitalni grantovi drugim nivoima vlasti-namjenska sredstva koncesije“, na razmatranje i donošenje.

Po donošenju Odluke od strane Vlade Kantona, Ministarstvo sa odabranim korisnicima zaključuje Ugovore o dodjeli sredstva, kojim se regulišu međusobna prava i obaveze.

VIII. NAČIN DOSTAVLJANJA PRIJAVA

Prijave sa potrebnom dokumentacijom dostavljaju se neposredno na protokol Vlade Kantona ili preporučeno putem pošte, na adresu:

Ministarstvo privrede Unsko-sanskog kantona, Ul. Alije Đerzeleza br.2, 77 000 Bihać,
s naznakom

Prijava po Javnom pozivu

***„Podrška jedinicama lokalne samouprave Kantona za finansiranje/sufinansiranje projekata iz Budžeta Ministarstva privrede-Kapitalni grantovi drugim nivoima vlasti-namjenska sredstva koncesije za 2026. godinu“
„NE OTVARAJ“***

Na poleđini koverte obavezno navesti naziv grada/općine i adresa.

Rok za podnošenje prijave je 15 dana od dana objave Javnog poziva.

Neće se uzeti u razmatranje prijave jedinica lokalne samouprave:

- a) neblagovremene prijave koje su dostavljene nakon isteka roka određenog Javnim pozivom i
- b) čiji projekti nisu u skladu sa namjenom definisanom tačkom IV Javnog poziva.

IX. IZVJEŠTAJ O UTROŠKU SREDSTAVA

Korisnici sredstava su dužni pravdati utrošak dodijeljenih sredstava Ministarstva predviđenih za realizaciju projekta.

Za sva neopravdana sredstva, Ministarstvo će pokrenuti proceduru povrata.

Pravdanje će se vršiti sa odgovarajućom dokumentacijom koja se dostavlja Ministarstvu i to:

- a) „Izveštaj o utrošku finansijskih sredstava“ - popunjen, potpisan i ovjeren od strane korisnika sredstava (Aneks III – sastavni dio Odluke), dostupan na web stranici Vlade Kantona www.vladausk.ba;
- b) Izjava gradonačelnika/načelnika o namjenskom utrošku sredstava, ovjerena kod nadležnog gradskog/općinskog organa (Aneks IV – sastavni dio Odluke), dostupan na web stranici Vlade Kantona www.vladausk.ba;
- c) Odobrenje za građenje (ovjerena kopija) za projekte za koje se aplicira, osim u slučajevima kada prema Zakonu o prostornom uređenju i građenju - Novi prečišćeni tekst („Službeni glasnik Unsko - sanskog kantona“, broj 8/25) ovo odobrenje nije potrebno - u tom slučaju dostavlja se Izjava gradonačelnika/načelnika da isto nije potrebno;
- d) Odluka o pokretanju postupaka u skladu sa odredbama Zakona o javnim nabavkama, ovjerena kopija;
- e) Ugovor sa odabranim najpovoljnijim ponuđačem/izvođačem, ovjerena kopija;
- f) Privremena i okončana situacija ili drugi relevantni dokumenti koji potvrđuju realizaciju ugovorenih radova/usluga (npr. zapisnici o primopredaji ili izvještaji nadzornog organa ili zapisnici o izvršenju usluga, fotodokumentacija i sl.). Dostavljena dokumentacija ne može biti starija od dana zaključivanja ovog Ugovora, te ista se dostavlja kao ovjerena kopija;
- g) Računi, u skladu sa privremenim i okončanim situacijama ili drugim relevantnim dokumentima, ovjerena kopija, isti ne mogu biti stariji od dana zaključivanja ovog Ugovora;
- h) Kopije Izvoda iz banke na kojima su, pored uplaćenih iznosa, vidljivi dokumenti po kojima je plaćanje izvršeno;
- i) Druga relevantna dokumentacija kojom se može dokazati namjenski utrošak sredstava.

Rok za dostavu izvještaja je **najkasnije 15 dana od dana isteka roka za** implementaciju projekta, definisan tačkom IV Javnog poziva.

Ministarstvo zadržava pravo traženja i dodatne dokumentacije i pojašnjenja kod provjere namjenskog utroška sredstava (pismenim i usmenim putem).

Ukoliko Korisnik sredstava ne dostavi Izvještaj o utrošku sredstava ili nenamjenski utroši sredstva, Ministarstvo pokreće zakonom propisan postupak za povrat finansijskih sredstava.

O utrošenim sredstvima po ovom Javnom pozivu Ministarstvo će, u skladu sa odredbama Zakona o izvršavanju Budžeta Unsko-sanskog kantona za 2026. godinu i Odlukom o usvajanju programa utroška, izvijestiti Vladu Kantona.

X. OSTALO

Projekti jedinica lokalne samouprave će se finansirati/sufinansirati sredstvima ovog Ministarstva u skladu sa kriterijem utvrđenim tačkom V ovog Javnog poziva i raspoloživim finansijskim sredstvima utvrđenih tačkom III ovog Javnog poziva. U slučaju da jedinice lokalne samouprave apliciraju sa više projekata i isti se nađu na rang listi, Ministrica zadržava pravo konačnog odabira projekta za koje ocijeni da će isti imati/dati značajniji doprinos razvoju lokalne zajednice, do utvrđene visine sredstava za implementaciju ovog Javnog poziva.

U postupku po Javnom pozivu Ministarstvo zadržava pravo da poništi Javni poziv u bilo koje vrijeme do zaključenja ugovora, bez obaveze pismenog ili usmenog obrazloženja. U slučaju nedostatka sredstava u Budžetu Kantona obustavlja se realizacija dodjele sredstava.

Budžetska sredstva koja se dodjeljuju ne predstavljaju državnu pomoć u smislu Zakona o sistemu državne pomoći u Bosni i Hercegovini („Službeni glasnik BiH“, broj: 10/12 i 39/20) i podzakonskih akata koji se primjenjuju u Federaciji Bosne i Hercegovine.

Ministarstvo ne snosi troškove nastale u vezi sa prijavom na Javni poziv.

Prispjela dokumentacija će se vratiti podnosiocima prijava samo na pismeni zahtjev u slučajevima poništenja Javnog poziva i obustave realizacije zbog nedostatka sredstava u Budžetu Kantona.

Aneksi od rednog broja I do IV čine sastavni dio ovog Javnog poziva, propisani su i dostupni su na web stranice Vlade Kantona: www.vladausk.ba.

Sve dodatne informacije vezane za Javni poziv mogu se dobiti putem telefona: 037/316-039 ili na e-mail: privreda@vladausk.ba.

Broj: 06-11-9823-6/26
Bihać, 28.9.2026.godine



MINISTRICA
Samra Mehić, scr.